

四庫全書

史部

欽定四庫全書

水道提綱卷二十二

原任禮部侍郎齊召南撰

西藏諸水

雅魯藏布江即大金沙江疑即古之跋布川或指為禹貢黑水則太遠矣源出藏之西界卓舒特部落西北

三百四十餘里之達木楚克哈巴布山

山西北與郎遣喀普巴山

馬品木達拉池源相近即岡迪斯山之東南三百里也山甚高天形似馬故名雅魯藏布江源西三十五

度極二十九度

三源俱東北流而合折東流而東南二百餘

里有枯木岡前山水自西南來會又東北百餘里有

江嘉蘇木拉河自西北沙庫雅拉瑪拉山東南流來

會

江嘉蘇木拉河在卓書特西源出西北沙庫雅拉瑪拉山及查克佳拉山程立嶺四水東流合為一

又南流合西來之察爾河又東流入雅爾之藏布江

又東數十里有阿拉楚河

北自沙拉木岡前山來會折南流數十里又東稍北

百餘里有納烏克藏布必喇自東北桑里池西南流

合數水來會

河在卓書特西南三十里源出東北桑里池西流二百五十餘里受北來尚里

噶巴嶺及穆克陞山流出之二水南來拉珠格山租
倫山錫巴木山流出之三水由錫巴木嶺西轉南流
八十里又受西北來雅拉嶺達克隆山流出
之二水又南流六十餘里入雅魯藏布江又東南

二百餘里有郭永河自東南昂則嶺東北流合數水

來會

河在卓書特東南有四源一出昂則嶺名龍列
河一出蓋楚岡前山名蓋楚河一出塞丹山名

朱克河一出拉魯岡前山名拉出河俱東北流三百
餘里合為一水又東北流入雅魯藏布江此水源

流五百里又東南五十里受西南來一水又東南折東北

流二百餘里稍東南有一水西南自尼雅隆岡前山

來會又東有薩楚藏布河自東北合諸水來會

河在薩噶

部落西南二百餘里源出岳洛岡千諸山有六水俱南流百餘里會為嘉巴蘭河又流五十餘里西北有拉珠克租楞錫巴木山之三水西南有昂色昂勒宗山之二水西南控木山及陸色里揚古山之二水俱會為薩楚藏布河又西南流百餘里入雅魯藏布江又東南七十里受北來一

小水又東三十里有甕出河自南來會

河在薩噶部西南二百里有四源一

出西南查木東他拉泉如星宿然東北流二百餘里一出南稍西之圖克瑪爾塔拉泉東北流五十里一源出正南納木噶山之北北流七十里來會又東北流四十里一源出東南達克塔泉泉眼尤多滙西流六十里來會三水既合北流曲曲七十里與西南源合又北四十里入雅魯藏布江又東九十里有式爾的河

自南合三水來會

河在薩噶部西南北數十里有三源一出南沙盤嶺東北流二里餘里一

源南出舒拉嶺者東北流折而北百餘里來會北流五十里一源出東南出岡里窪干山者北流二百里折西北而西流百餘里來會又北

又東三十里有滿楚

藏布河自北來會

亦曰瑪楚藏布必喇在薩噶部西南北有斜爾冲山檄龍二山水南

流二百餘里合東來岡冲察達克山之三水又合西來拉克藏卓里山之一水合為河又東南流五十里

入雅魯藏布江

又東六十里受南來一小水又東七十里

河南自阿里宗城來會

河二源一出西南岡里窪干山之東北麓東北流一出南

牛拉嶺北流合而北經阿里宗城西又北而東北二百里有一水自東南來會又北九十里入雅魯藏布

江又東八十里折東北流有薩噶藏布河自東北拉

布池西南合諸水折東南流來會

亦曰薩爾格必拉在薩噶部東南源自

東北拉布池伏地復出西南流曲曲四百餘里有一水
北自必魯塔克拉克山東南流合東北拉隆河爾山水
而南來會又西南百數十里合西北來一水又西南
百七十里有拉普岡沖山水自東北來會又西南百
里有隆干山水自西來會正南流六十里又西南流
合北來一小水又西南合西來一水又南有東北岡
隆山流出之二水交烏拉沖山流出之二水合而西
南流合東南布隆山一水又合東一水而西來會
又西南數十里折而東南流曰薩噶藏布河又北
百數十里入雅魯藏布江此河源流長千里又北
流四十里折西北三十里又東北而東南曲曲三百
餘里受南來小水二又折東北百餘里又東南流百

里有嘉木租池水北自章阿布林城合東一水南流

來注之

章阿布林城藏迪日喀則之西北九百里地也

又東南而東六十里

受西南來一水

二源西南者出雅噶隆山北流而合曲曲東北流

入雅魯藏布江

二山南麓水俱南流為朋楚藏布江

又正北流百五十里折

向西北受西北隆左池水又東北流四十里有莽噶

拉河南自納喇古董察山來注之又東北有鐘里山

水自東南來注之又東北經章拉則城北

城在日喀則之西北

八百餘里

又東北百餘里有鄂伊楚藏布河自西北札木

楚克池合諸水東南流來會

亦曰教楚必喇源出章阿布林城西北四百里

有楚拉喇山一水西南流百餘里合東來一水又西南數十里匯為納木楚克鄂模其北有多存岡山一水南流亦匯焉池周百里從西南流出二百里折而東南又為龍岡普池數十里又東流出有三水自西合而來會曰達克楚河又東有江楚河自西南來會又東經邦拉嶺章阿布林城嘉木租池岸之北曲曲三百里有拉克善水自西北來會折東北流六十里至穆克布察克薩木瑪鐵索橋北有北來之鄂伊楚河自江林普拉山南流四百里來會折東流而東南六十餘里入雅魯藏布江此水源流七百里有兩鐵索橋一曰桑嘴爾札克薩木橋又東稍北經朋蘇克靈城北又東北受北一小水又東北有一河南自婆色納木山北流

合西南一水來注之又北流有結忒楚河自北來注

之水

長四百四十里

又北數十里折而東流曲曲百數十里有

達克貝朋楚河自北來注之

水長四百四十里

又東南流有薩

普楚河自南來會

即薩布河也源出楚拉密洪羅緯爾莫三山流出三泉北流百餘里

合為噶楚河又北百餘里旁有二水一自西南來名桀河一自東南來名當出河俱會又北合西南來一水

東北流百九十里經藏城日喀則西境入雅魯藏布江

又東百餘里經日喀則

城北藏地之首城也

城在衛地喇薩西南五百三十里先藏汗居此今為班禪所居

稍東有年楚河南自章魯河合諸水來會

年楚河源有二一出

朱母拉母山東北曲曲流四百餘里一出其東順拉
嶺下泉池十數匯為一水北流曲曲二百餘里而會
曰章魯河又東北九十里至娘娘廟東有八水從東
北喀魯嶺諸山及南札木長山社山來合而西南流
來會轉西北流過特則城西又西北八十里有過白溝
城西又西北受西南來一水又北數十里有一河自
西合二水來注之又北始名年楚河經日喀則城東
南四里過蘇木佳石橋長七十丈有十九洞為藏地
橋梁之冠又北流四十里入雅魯
藏布江此水源流長八百餘里又東北百里有尚

河北自尚那木林城來會

尚河亦曰商河源出西北絳查拉山東南曲曲流四

百餘里有造索克布山水自西來會又東南百里經尚那木林城南有佐山水自北來會又東南流入雅

魯藏布江此又東七十里經普冬廟前又東受南
水源流七百里

一小水又東北有烏禹克河北自拉公山來注之又

東過薩喇朱噶鐵索橋

林奔城西二十里

經林奔城北稍東

有龍前河自南合二水來注之

龍前河源出東朱木哈拉山西南流百餘

里與西南來努金剛藏山所出之水會西北流經林奔城東又北入雅魯藏布江

又東北曲

曲百餘里有檜木河自西北來注之

即拖巴水也

折東南

流六十里經拜的城北岸山北又數十里

拜的城之東南即牙

母魯克於木卒池廣四百六十餘里中有三山一名采納巴一名雅博士一名桑里山下溪流甚多時白時黑或成五采湖水環之在烏雨克靈喀城之東北納噶拉則城之正東其水不流亦不涸

受西

北來一小水又東北過鐵索橋而東南經楚舒爾城南又東南至日喀爾公喀爾城北有噶爾招木倫江自東北合諸水西南流經衛地喇薩來會疑即古吐

蕃之臧河也

噶爾招木倫江源有二一曰米的克藏布河出墨魯公喀城之東北三百里米

的克池廣數十里西南流出數十里合東南來一水西流又折西南百餘里又合東南一水又曲曲西南二百餘里受東來一水又西折而西北六十里與西北來之盛吞西里克塔拉東南流合五小水而南者會又西流百八十里受北一水又西南經蓬多城東北而西南一源來會西南源曰達穆河出蓬多城東北二百里之查里克圖嶺西南流百餘里有拔布隆河東自央噶拉嶺西北流折而西南二百里合東南

一水來會又南合西北來一水又南又西來一水折
向東流又東北受北一水又東南過鐵索橋經蓬多
城北又東會密的克河二源既合乃名噶爾昭穆
倫江又東南流受西來二水之合東注者又東南折
而東流受北一小水又東折而南而西南百里又折
而東百數十里經倣那廟北又東乃折而東南受東
來岡噶拉崩水乃西南流過鄂納鐵索橋又南經墨
爾公噶城西又南折而西曲百餘里經噶爾丹廟
又北西經第巴達克城南又南稍西有一河西北自溫
主普宗城合三水東南流來會又南數十里經得秦
城北又折西流曲曲經喇薩之南即唐時吐蕃國都
今為達資所居也伊克昭廟有唐長慶碑其西北有
庫庫石橋噶爾昭穆倫江又西北流十餘里至黃郭爾
城東南受東北來一小水又西南流數十里經日噶
晶鈕北有揚巴戡河合楚普河自西北合四大水東
南流三百餘里來會又南流八十里折西南流受西

北來二小水又西南經楚蘇杜城東南又西南至日喀爾公噶爾城之北而雅魯藏布江自西來會此

水源流千三百里密的克池北隔山即潞江也

雅魯藏布江既會噶爾昭穆

倫江東南流百里受南來一小水又東曲曲受南北

各一水經薩木塔廟前又東受北一小水又東受南

北小水各一又東經蘆布棟城北受南來一水又東

有巴楚河自北來注之又東南經桑里城南葉勒庫

城北受北來一小水南來一大水又東至教噶達克

匝城西南受東北來一河

曰迓里瑪楚河東南流百餘里其東北有泉池水西

南流二百里其南有隆拉嶺水西北始東南流自日

經城之北折而西並會又南入雅魯江
公噶爾城東流至此四百餘里曲曲經衛地東南也勒庫城達克布

拉綏城之東北當博依古魯納木嘉城達格布同春

城達格布伊納城之北共八百里有年渚河自北合

諸水來會

年渚河亦曰年楚必喇源出沙裕克岡拉山即噶爾坦廟東南山也有水東流三百

里曰瑪穆楚河與南來巴拉嶺之巴龍楚河會又東北

百里與北來烏山之烏楚河會又東八十里折東南

流百餘里經公布札木達城東南有水曰佳曩河自

北來合東二水南流繞城東而南來會又東南曲

曲流三百數十里至公布碩格城南有水東北自巴

宗租池南流合東一水而西南來會即蘇瑪磋湖之

巴楚河也又東南折而西南有西來察布山之班楚河合而南流經公布珠穆城東迪穆城西又東南經則布拉岡城東又二百餘里入雅魯藏布江此水源流千二百里又東經察穆哈廟

北受東北薩穆隆拉嶺水又東南經森達瑪廟西圖

格里山之西南流入羅喀布占國界

西二十度九分極二十七度

自南至北共數千數百里此水於羅喀布占國又會

岡布藏布河

見後

朋楚藏布河

見後

二大水轉西南流入

額訥特克國會諸水入南海

里數無可考

岡布藏布江自衛地東與喀木接界之拉里廟會東北

察拉嶺水東偶公拉嶺下湖水及西北山一水東南
流百餘里合北來一水又東南有一河西北自章阿
爾松山東南流二百數十里來會又東南曲曲百八

十里有額楚河自東北來會

額楚河出喀布地之努
布公拉沙爾山四水合

而西南流二百
餘里入岡布河

又東南有牛楚河自西北來會東流

過達克拉綑橋又東受東北一水又東南曲曲百餘
里受東北一大水又南經迪雅爾山西入岡布部落
至別闊塘塔拉棟喀木境內有薄藏布河自東北來

會

薄藏布河楚喀木達里圖宗城之東南舒班都城之南有春多達嶺二水南流合數小水西南流來

會土人曰拉喀布必喇經噶克布伊舒里棟城西又南

經賽穆龍嶺東多格拉岡里山西出岡布境經公拉

岡里山西又南入羅喀布占國界

源流已千四百里

下流入

雅魯藏布江

朋楚藏布河在薩噶部落東南源有三一西出舒爾穆

藏拉山一東出西爾中瑪山一東南出仄查嶺

其北隔山

水皆北流入雅魯江

合而東南流受西一小水又南百餘里曰

朋楚必拉又南有一水南自綽爾蒙通納岡里山來

會折東流百數十里受南北水各一又東折東南流

百八十里受西南來之水二

一自涿實岡干山
一自阿巴拉山

又東

流百二十里受南一水又東北至羅西喀爾城南又

東北五十餘里有一河自西北來會

即西北拉喀拉
布山二水合東

南流二百餘里經
城北而東流者

又有羅楚河自北合三水南流合

焉

河出雅噶隆山及東北岡穆阿山
三水合而南曲曲三百里里來會

又東北有羅藏

布河自西北來注之又東繞岡龍前山之北折南流

受東北來一水

即林沃拉山及蘇庫岡干山水在丁家城之西者

又南曲曲

二百數十里受西來之牛藏布江

即昂拉嶺則里木布山珠木郎馬山

水及阿巴拉山納澤勒山徹拉嶺諸流匯而東南經二百餘里者

又東南受帕里藏

布河

河在帕里宗城東北三百里有一水西南流匯為噶爾撮池南流而西又為查木撮池又西南流百餘里

折向東南數十里與東北來一水合又西南受東一水又向西

噶拉嶺水又西南經帕里城西又西南受北一水又西

又西南百里有牛楚河西自年爾穆城

合數水來會

牛楚河西北出希拉岡泰山東南流合東北岡布赫山水又東南百餘里合西

來一水又東南經吉隆城南境二百里受北來察穆珠山一水始曰牛楚必拉又東流經牛爾穆城北城

百里折而東南而南二百里又折東南百數十里始轉而東北流曲曲二百餘里來會此水源流千里亦巨川又東南流百餘里出藏南境過珠拉拉依部落入

額納特克國界 下流入雅魯藏布江

里數無可考

岡噶江源出岡迪斯山東南有朗干喀巴布山高大如

象

地勢自西南徽外漸高至岡底山而極周一百四十餘里四面峰巒陟絕高出衆山百餘丈積雪如

懸崖頂上百泉流注至麓即伏地在藏地極西阿里之達克喇城東北三百十里直陝西西寧府西南五千五百九十餘里西三十六度四分極出地三十度五分實諸山之祖前古未知其地疑即水經注所言何稱達山也相近有四大山其南幹所始曰朗干喀巴布山在岡迪斯南稍東二百五十里達克喇城之

東二百七十里土人以山形似象故名其東即達木楚喀巴布山為雅魯藏布江源所出而此山蜿蜒西南為悶那克尼兒山為薩木泰岡山亘河之南入厄納特克國山北蘆泉山匯為

池

西三十五度五分
極二十九度一分

西北流七十里合東北來一水

水在狼千喀巴布山東北八十里山中二水西流而合西北曲曲六十里折西南流九十里與會亦一源

也又西稍北四十里而東北公生池水伏而復出合

北來三水西南流來會

公生鄂模兩源一東北山達克拉拉公馬山西南流百數十

里一東出卓書特西界麻爾岳木嶺西麓阿里之東界即岡底斯向東南之崙山也水西流五十餘里匯為池廣八十里而不流其西十餘里有池湧地而西長三十里有一水自北來會西南流六十里又合東

北來一水又西南四十里有一水自北山
來會又西南而郎千喀巴布山水來會
為馬品木

達賴池

南北百五十里東西徑八十里或百里周二
百餘里池北又有二水自北來會池直岡

底斯南百
二十里

自西流出六十里為郎噶池受東北來一

水

郎噶池似狹方四角尖長南北徑百七十里東西
徑百里其水北尖受東北一河即岡底斯南支峰

七十里南麓水三源南流合而西南百數十里
入池他周廣與馬品木達賴同但方圖形異耳從西

流出百餘里折向西南曰狼楚河曲曲二百餘里有

楚噶拉河自東北來注之

楚噶拉河出藏文嶺南麓
南流折而西南經古格札

什魯木布則城南又西南流入
郎楚河此水源流二百餘里又西五十里折而北

而東北百數十里經古格札什倫布則城之西則
布隆城之東折西北流百里又折西南流經則布隆
城西南二百里又折西流數里西北流百餘里又西
流而西南二百里經楚穆爾的城北又西曲曲一千
餘里至阿里西必桑納蘇木多之地

西四十三度三分極二十九度

四分強自源至此地凡八度經二千里零

而拉楚河自西北來會拉楚

河源出岡迪斯之北百餘里僧格喀巴布山山高

形如獅子南麓有池匯諸泉水

山亦岡迪斯相近四大山之一在古格札

什倫木布則城東北四百里西三十六度極三十一度一分自此山而西北為岡里木遜諸山繞阿里而

北二千五百餘里入喀西流折而西南而南百六十

齊國

池廣周數十里

西流折而西南而南百六十

里至大山麓

即岡迪斯西南支峰不斷者

又西南百二十里曰拉

楚河折正西流三百餘里有藏丈嶺北水自東南來

注之折西北六十里有大雪山水自東來會北彭冊

泉水西南流來會

大雪山名遮達布里阿林即僧喀巴布之西百數十里山也在布

則城東北二百四十里山東南百餘里有水西北流曲曲百餘里折而西南而西二百里有彭冊泉自此地中十數泓湧出匯為一河西南流百數十里來會又西流數十里折西南數十里入拉楚河又西

南百里折西北流二百八十里有野公泉水自東北

來會

野公泉亦平地湧數十泓匯為數道西流曲又曲二百數十里入拉楚河在札什岡城東南

西北數十里經札什岡城西南又西北折而正西曲

曲九百餘里受北來水四至尺克則廟南又西至拉

達克城南境又西百里經必圖克廟北又西百八十

里始折南流

西四十三度六分極三十一度弱

又曲曲折而東南而

南三百數十里又東南流數十里與朗楚河會

自源至此

曲折行三千七百里朗楚河既會拉楚河水勢益盛又西南流

三百里經必迪城西

阿里最西里

又南流二百數十里始

折而東北而東

西四十三度三分
極二十七度六分

曲曲千一百里折

東南曲曲流千餘里至納克拉蘓木多北鄙而麻楚

河自東北來會

西三十六度四分
極二十七度七分

瑪楚河源出達克

喇城西北二百里瑪布佳喀巴布山山高形似孔

雀東南麓有池

麻布佳喀巴布山亦岡迪斯相近四
大山之一脉自朗干喀巴布而西為

們納克尼兒山臨瑪品木達賚池西岸又西連山不
斷臨朗噶池南岸又西為此山由此而西南疊嶂蜿

蜒亘朗楚河之南二千
餘里而池水在東南麓東南流曰麻楚河經喀拉木

多城北境稍東折南流而西南經其東又西南百餘里會西北一水又南曲曲百餘里至布拉木達克喇城之東受西北來一水

即城北河也

又南流折西南百里

受東南來街拉嶺水又西流折而南三百里與朗楚

河會 三水既會始名曰岡噶江又東南流二百里

出阿里界經瑪木巴柞木郎部落至尼納特克國入

南海

里數莫考

此水浩大自古無知者疑即佛書恒河

亦無可証

藏地湖澤泉池及鹽池無數最巨澤曰滕格里池

滕格里池在衛地喇薩西北二百二十餘里藏地日喀

則城東北五百里其東北隔山即潞江源之布喀諸

池其北隔山即大流沙也池廣六百餘里周一千餘

里東西甚長

自西二十五度五分至二十六度八分

南北稍狹

自極三十二度

至八分蒙古呼天為滕格里言水色同天青其東有三

水流入皆名察哈蘇太河西有二水流入北曰羅薩

河南曰達爾古藏布河合西來數池水東流數百里

八此池

次曰雅穆魯克格木租池中有三山水成五色


見前

次曰瑪品木達賚池朗噶池即朗楚河源也

見前

次曰布喀池潞江源也

見前



水道提綱卷二十二

欽定四庫全書

史部

水道提綱卷二十三至
二十八

詳校官監察御史_臣王爾烈

刑部郎中_臣許兆椿覆勘

總校官知縣_臣楊懋珩

校對官中書_臣陸湘

謄錄監生_臣施華

欽定四庫全書

水道提綱卷二十三

原任禮部侍郎齊召南撰

西北阿爾泰山以南諸水

自哈密城北踰天山至巴勒庫爾北即沙漠三百里

又踰大山

山自西北準噶爾東境起分西四十六度五

相連不斷八百餘里至蘇魯圖昂阿地又東二百里

至烏勒圖地又東八十里至察罕布爾噶蘇地其東

即明安地也又東稍北百餘里至阿濟地及格舒努

特地又東南三百里至色德楞額得楞地之北又東

南七百五十里與北地隔沙之伊塔特圖山相望又東南三百里與南地隔沙之諾音哈拉山相望其南即肅州北之居延海也又東南四百里與南地隔沙之諾顏喀喇山相望又東四百餘里與北地隔沙之阿爾班哈岳爾達察嶺相直其北隔沙即翁金河鄂勒昆河也又東南五百里至大磧曰和爾和圖山度十七分北五百里大磧之北有庫默壘山相望大磧之南有五淮喀喇山其東在磧中有色公哈兒占山俱相望此山自起處至此綿亘沙漠中徑十六度與西域之蔥嶺天山彷彿也過沙地山水無數水皆自流自止或豬為

湖其山皆以阿爾泰山為祖

其頂西二十二度二分極出地四十八度七分

在烏普薩地之北鴻哈圖池之東北其尾西二十度四分極出地四十六度五分在阿禮克台河之東薩

克薩河之北 支峰綿亘北漠東為唐努為杭愛有色楞額

鄂爾坤諸河北至俄羅斯國入北海其東南幹穿漠
廻北挺為肯特為大興安有黑龍江克魯倫河諸水
東至海口入東海南則岡阜回旋數千里湧泉匯澤
西則曲蟠疊嶂以界沙海疑即古西金山也今序次
自南而北自西而東從不入海諸水始

阿爾泰山頂西南八百餘里曰賽爾山

南徑哈密城三度四分西徑準

噶爾城踰漠八度

西廿三度五分極四十六度七分

北百數十里曰額密爾河

出東南山西北流折而西共二百餘里緒為庫勒格

鄂模在大山西麓

祈出之山即阿爾泰頂西南一幹南行千里為和博克薩里山南臨

大漠折而西約百餘里又折而西北為此河源又西而北曲曲千里至塔爾巴哈台山又北數百里皆西

臨大漠

庫勒格池在西二十三度九分極四十六度六分池周五十里其西尚有山相連數百里又西

則大漠矣

額密爾河東隔大山有巨川北流曰呵額勒濟思河源

出東大山西麓即阿爾泰頂之南九百里和博克薩

里山之東北百六十里也

西二十一度七分極四十六度三分在阿爾泰尾山

之西三百餘里

西南流百里折西北百餘里有喀喇額爾齊斯河自東北來會又西折而西北百八十里有奇蘭河自東南來會又北百餘里有哈巴河自東來會又西北折而北百六十里有布勒濟河自東南來會又北百餘里有納斯克河自東南來會又北折而東北而北曲曲二百里有哈留圖河自東南來會又北百里折東北而西北百餘里有呼勒泰河自東南來會西南百餘里即達勒哈巴台山也又西北約八十里

有納隣河自東南來會共合八水又北七十里匯為

鴻和圖鄂模又有一河自東北來會

此水出沙地在阿爾泰頂北百

餘里不知名西南流三百里入池

池周百里西北即大漠

西二十度極四十

八度五分在阿爾泰頂之西南百六十里

哈爾爾齊斯河自南而北流兩大山

中間徑二度半

自阿額爾齊斯河源東南隔山為烏隆古河其北隔山為阿普都河布顏圖河

烏隆古河出哈爾泰山之尾西南麓西南流有阿禮克

台河及布拉青吉兒河自北山前後來會

二水源即阿爾泰山尾

之西北幹其北即布顏圖河北流者也

又西南百餘里豬為奇薩爾巴

思鄂模周四十里又南隔山為沙漠

池西二十一度五十分極四十六

度在呵博克薩里山東北百里

此河東稍南百數十里為薩克薩

河即阿爾泰山尾正南一幹東水也

水源去山百六十里

東南

流兩山間三百里有圖吉哩克河東自布岱山西南流

二百餘里來會又南流出山有小水自西來注之又

南流至沙漠涸

西十九度八分極四十五度三分此水南隔沙為琿禪喀屯山又東南為

哈喇圖山皆沙漠中孤阜此水西百餘里為台顏山
其東南隔沙有納林圖洛依布拉爾池布拉庫勒池
皆沙中湖
水十數里

此河之北西及東南連山綿亘皆哈爾泰山頂西
南一幹南行至哈額爾齊斯河源折而東稍北又
東數百里為哈爾泰山之尾與頂並高一幹南行
四百里為台顏山南臨大漠西南對哈爾北山一幹東南
行三百里為台西爾山西十九度六分
極四十六度又東南百
餘里分為二大幹一南百數十里為都特嶺為布

岱山

其西即圖古里克河其東北即伯格爾察罕鄂模及搜濟布拉克地又東為庫勒奇勒河

又東南百數十里為布勒堪山南瀕沙漠而東為

崆納洛阿濟爾罕山

其東北即西拉布爾都池及通奇特烏爾鄂模

又東

南分一枝南行大漠中為奇齊格納山又東南為

拜鴻鄂爾山為察喇圖山為伊塔特圖山而止

南隔

沙百餘里即沙中大橫山也

一東數十里南瀕漠而東二百里

徑喀圖搜濟地東南折而北為達蘭圖魯阿達克

必柳圖山

山甚高大其西北隔沙即克里圖博洛山其西隔沙即通奇特烏爾池其東北

隔沙即貝德勒克河
下流之察罕池也

又東南綿亘喀爾喀西部略

於沙漠中橫經推河之南境曰伊克傲拉地

自此而東

南於山北麓沙中為驛站路

曰巴哈傲拉

其北即阿爾博爾濟驛西拉布里多驛也

又東南曰阿勒察圖

其北即塔奇驛又北即塔楚河也

又東南至

阿爾班和岳爾達察嶺

西十三度極四十四度四分其北為達察驛北踰大

漠為翁金河鄂爾坤河南踰大漠過大

又東南五

百餘里為固爾班賽堪山

山甚高大西十一度極四十三度八分其北郭

多理驛

又東南百里分為二枝一南曲曲百數十里

為諾木琿山又南百里為庫默壘山前臨大磧而

止

其南百里即色公哈爾占之西和爾和圖山也

一東南百八十里為五

百根山又東南百里為崆格喀喇隆山而止

西九度八

分至十度極四十三度二分其北正當翁金河之尾其南正當河套西北之納林碩隆山也此一

枝自哈爾泰山尾至此徑踰十度有奇與南大橫山俱橫亘大漠中連綿不斷疑即古浚稽山琢雅

山之類此哈爾泰尾之東南一幹也其東一幹自台西爾山

東南百九十里為庫克西勒克山連亘而東

西十八度八分極四十六

度山亦高大其南為伯格爾察罕池其北諸水俱會於崆格伊河

百里分為小幹

東南行折而南而西為克里圖博洛山而長幹北

行折東北

其東即普喀郭必也

四百餘里為巴顏山甚高大

西十七度五十分極四十七度弱其西北水皆入崆格伊河其東南水皆入貝德勒克河為喀

爾喀西部庫楞伯勒齊爾地西境

在部落西二百里又

東北曲曲三百里當喀喇諸河源之東而哈爾泰

頂東南一幹曰昂吉山曰瑪拉噶山支峰自西北

來相接又東行當察克河諸源之北而哈爾泰頂

東大幹杭愛山南行支阜又自北來相接自此又

南百數十里為庫庫嶺

其東北為塔密爾河北源其西南為貝德勒克河源

又東二百餘里折而南百里又東百餘里為杭愛

山尾甚高大

西十四度三分四十七度塔爾密河南源發其北鄂勒昆河發其東南

皆北流會色楞格河經俄羅斯國入包鄂勒昆河

諸源而東

南為塔楚河源又東南為翁金河源

又東至大漠而止

奇爾濟蘇鄂模在哈爾泰頂東南三百里

西二十一度極四十八度

內外阿爾泰尾北四百餘里

東南察巴哈河崆格伊河西南額克

呵拉爾池水所匯也周百數十里 察巴哈河源有

二最東者曰喀喇河出庫楞伯勒齊爾西北大山凡
四水南流并為二支又西南百餘里合焉又西南受
北來一水又南受東來之西喇河又西受北來一水
又西南二百里而布爾噶蘇台河自北來會即西源

也出北瑪喇噶山南麓南流

山脈自哈爾泰頂南行
分一幹東行為烏蘇那

瑪山又東連峰相接東南數百里為伯勒奇納克科
克伊山又東三百里為昂奇山又東北行百餘里為
瑪喇噶山又東北百里折而東二百里復折東南八
十里與哈爾泰尾東行一幹東北行之巴顏山支峰
相接又東百里與哈爾泰頂東北一幹唐努山至杭
愛山一支西南行之支峰相接此水源即瑪喇噶

山之東北將折東南之南麓
也東去喀喇河源百六十里會東來二水西北來一

水又南有烏海河西北自吉昂山兩源合東南流來

會又南流百數十里與西喇河會二源既合西南流

經巴顏山北麓曰察巴哈河曲曲二百餘里折西流

百餘里而崆格伊河東北自昂吉山合三水西南流

三百里來會

崆格伊河出昂吉山南麓隔山北麓即烏海河源也

又西總曰空

格衣河流百里許折而西北曲曲五百里

西二十度五分極四

十七度五分弱南徑

而額克阿拉爾池自西南合二

河水東北流來會額克呵拉爾池西南一河曰科

布多河二源出大山東麓

隔山之西即奇蘭河也

東北流百里

而合又東北百里折而東為巨澤南一河曰布顏圖

河二源出大山北麓

隔山之南即布拉青吉兒河源也

北流數十里

合而北而西北二百里匯焉池周廣數十里於東北

角流出三百餘里與崆格伊河會又西北流二百數

十里豬為奇勒稽思鄂模周回百五六十里南北長

東西狹

西二十一度極四十七度八分至四十八度一分池北皆大山其西北六十里即烏蘭

郭瑪山也是水源
流長千三百里

池西百八十里近西大山麓有

哈勒奇拉河東北流二百餘里涸於北大山南麓即

烏藍郭馬山之西北也 又北隔山近哈爾秦頂南

麓有烏普薩鄂模

西二十一度九分
極四十八度五分

其東大源曰特

思河源出哈爾秦東北大幹之唐努山西南麓

唐姑
山高

大西十八度三分極四十九度五十分在哈爾
秦頂東稍北千一百里支峰綿亘數百里

西南流

山中三百餘里受南來水二北來水二西南曲曲七

百里曰特思河西瀦為烏普薩池形圓周六十里有

薩克哩哈河自西南大山東北流百餘里來會

池在哈爾

泰頂之東南麓六十里薩克哩哈河源即其西南幹山也此喀爾喀西界舊與厄魯特接壤處此池

西隔重山三百里即鴻哈圖河

自巴顏山東入喀爾喀西部界水出巴顏山庫庫嶺杭愛山之陽者皆南流至大漠而止其大者曰貝德勒克河之察罕池曰推河之鄂洛克池曰塔楚河池又東曰翁金河

貝德勒克河源出庫庫嶺南麓其北麓隔北即塔密爾

河源也三水南流合而西南百餘里有察克河自北

山合五水南流三百餘里來會

察克河出西北大山隔山西麓即查巴哈

河源也

經庫冷伯爾齊爾之地又南二百里
有察罕特

穆爾河東北自索和都依嶺合二水西南流二百數

十里來會

索和都依嶺在庫庫嶺東南百餘里其北麓水皆流入塔密爾河

又南出

兩山間西南流平地中百數十里有西尼河自南合

東南一水北流水會又西南百餘里
諸為察罕鄂模

形如爪周百里東西長

西十七度極四十五度七分此水源流八百里池東十

餘里有呼里木圖克伯爾池廣十餘里又東數十里
為西尼河源又東為一小河又東百里有邦察罕池
廣二十餘里其北三十里有濟爾哈朗圖池廣十里
許又東北百數十里有伊洛河北自山麓克庫池南
流二百里經哈拉圖科山西麓又南數十里潤喀拉
圖科山南百五十里有鄂洛克池山東百里即推河
也

推河亦曰額河又曰拖衣河源出杭愛山尾南麓西南
流會南來小水二折南流會東來小水一又西南有
烏可克河西北自烏可克嶺合三水東南流來會

烏可

克嶺在杭愛山西南百餘里索阿都衣嶺之東南又
二百里嶺南水入推河嶺北水為塔米爾河南源

南有雅瑪圖河自東北合三水西流而來會即鄂爾

吉圖都蘭喀喇山西水也

山在抗愛山南數十里甚高大亦曰鄂勒澤依圖都

蘭喀喇即大青山也為杭愛南大幹其東麓水為鄂爾昆河

又南有庫色楞圖河

自西來會稍南有一水自東合二澗來會又西南流

百里許有喀喇呼濟爾河自西北來會又南經兩山

間有額勒敦圖河自東合三水來會

亦都蘭喀喇山西南麓水也

又南出山曲曲流平地中百八十里經博濟和碩驛東

又南折西南流百餘里西瀦為鄂洛克鄂模形東西

長四十里

西十五度五十分極源流五百餘里

此水東三百里為塔楚

河

塔楚河源出都蘭喀喇山東南大幹南麓二水南流而

合東南流百餘里會東北來水三折而西南曲曲流

三百餘里豬為鄂模周三十里

西十五度極四十五度三分池南踰漠

二十里至大山踰山三十里至塔奇驛西南至山即阿勒察圖山也

翁金河亦曰甕金河兩源出鄂爾吉圖都藍喀喇山東

行大幹山中

其西隔山即塔楚河源也其北隔山即鄂爾昆河

東南流出平

地合焉又東南會西南來一水又東會北來一水又

東南百餘里經杭伊哈瑪勒山前

去山八九十里許山即都蘭峇刺之

東大幹山也

受北來小水一又東南有一水北自杭伊哈

瑪勒之南麓東南流來會又東南曲曲流八百餘里

於大漠豬為呼拉喀烏蘭鄂模周二十餘里

南度漠至河套

可八百里許池東北五十里有哈納哈達山又東北有徽徽山又東北有上凱山皆沙海中孤嶼也水源

西十三度三分極四十六度九分池西九度四分極四十五度二分此水源流自西北而東南行大漠

中幾近千里自杭亦哈瑪勒山而北水皆北流至俄羅斯國入北海此山之南則翁金河最著也

自哈爾泰頂東北大幹徑千一百餘里其南為特恩

河源

見前

其北為客穆河諸水源

北流經俄羅斯國者見後

又東

百里為唐努山甚高大

西十八度三十分極四十九度四十分至五分

又東北

四百里分一幹北行甚遠其東一幹百里為杭愛山

頂自杭愛分枝一南行而西南曲折五百餘里為鄂

勒伯吉山

其東南即色楞格河發源處此山為喀爾喀西界

綿亘而南不斷

其西有巨澤曰桑稽晉大來鄂模

西十七度二分極四十八度九分至

四十九度五分

桑稽晉大來泊渟而不流南北徑百餘里東西徑七八十里周三百餘里在喀爾喀西界外唐努山之東南百七十里鄂勒伯吉山之西八十里也

客木河三大源正南源出唐努山西北麓兩水合而北又會西南來一水東南來一水曰其思啟特河又北會西南來合二溪之水又北流而東南源曰褚蘇圖河合南二水曰俄克河合東來四水西北流四百餘里來會又北流二百里而西南源曰客木其克河合

五水東北流五百里來會又北曲曲八百里有烏思

河自東南

即呼孫古爾湖之西隔山在杭愛山頂北六百餘里

合三水西北流

七百餘里來會經大山東麓又西北百八十里經拜

商東

拜商即城也亦曰柏興

水東北六十里有空鳥嚕山又北

流六百餘里不知其所注合

圖自極四十九度五分發源至五十五度止

此河諸源俱發於哈爾泰頂東北大幹諸山之北至烏思河源處又分枝一東一北綿亘不斷亦不知其

所底此水疑即鄂羅斯之厄爾濟蘇河發源哈爾泰北

流入鄂羅斯境又西北流至托博爾地受托博圖拉

二河轉東北流與鄂布河合流入北海計源流之長與色楞格相似

色楞格河

漠北水之入北海可知者色楞格最大源發杭愛頂以南凡鄂勒伯吉山庫庫嶺特赫都伊嶺烏可克嶺以東杭愛尾及都蘭喀喇山杭亦哈馬勒山與杜蘭喀喇山阿不達拉太山以北大興安山大小肯特山以西數千里川澤俱匯而北潞為布哈爾湖為漠北

第一巨浸所合如額赫河鄂爾昆河圖拉河哲德河
楚庫河皆巨川也

色楞格河自喀爾喀西北杭愛山頂之西南大幹諸山

發源有六最北者名哈喇台爾河出杭愛山頂西南

麓三水東南流二水東北流而合經山麓南

源西十七度極

四十九度七分去山頂西稍南百里

又合西南二水并東北流者稍東

而杭愛南澗自西北來會又東受西北來一水即杭

愛東澗也折東南流有二水自西南合而來會

自源至此

曲已二百餘里

又東南始名哈喇台爾河曲曲而東百數十

里受西北來水一折而南受西來水一又東南數十

里經額爾齊特山東又東南數十里有一河自西來

會即次北一源之布克瑞河也布克誰河自山中合

五水東流共三百餘里會哈喇台爾河

布克瑞河源在杭愛山頂

南稍東二百餘里即西南幹之曲而東者

又東南二十里而南源來會

北源

至此長五百里

南源有四稍北者曰厄得勒河源出喀爾喀

西界鄂勒伯吉山

即杭愛山頂之西南大幹山也隔山西即桑錦達賚泊也西十六

度九分極四十九度

兩水自山麓東流而合又東會西南來一

水又東會西北來一水又東會南一水又東稍北會

北來一水及西南來二水之合而東北者又東北一

水自西北來注之

共合七水

又東名額德勒河又東北曲

曲而東

共行四百餘里

而齊老圖河合諸源水自西南來會

次南曰齊老圖河源出西界山下之鄂勒澤衣圖

察罕泊

泊在鄂勒伯吉山之南幹百餘里大山下西北徑隔山之桑錦達賚泊百餘里西十六

度八分極四十八度七分泊周六十里

自泊東北流出經烏爾圖烏雅

山南麓稍東會西北來一水又東百餘里有二水自西南合而來會始曰齊老圖河又東北二百餘里受南一水又東北循山麓流百餘里而烏里雅台河自西南來會烏里雅台河即又次南一源也出伊遜都蘭喀喇地山北麓

山在烏勒圖烏雅山東南百數十里亦幹山綿亘不斷

東北

流會西一水南一水折而東而北共三百里會齊老圖河又東北三十里而阿濟勒克河自南來會阿

濟勒克河即最南源也出伊遜都蘭喀喇地山之東

北支峰三水東北流合循山北麓東北共二百數十

里北會齊老圖齊老圖又東北二十里會額德勒又

東北三十里而北源來會

齊老圖自源至此長五百里

南北源

既會始曰色楞格河東流

西十四度八分極四十九度三分

有南特

里河南自溫都勒山北流來注之

亦曰溫都里山

又東有北

特里河自北合二水南流經哈爾占布勒古德依山

西又南二百里經山麓來注之又東曲曲百數十里

有阿察河南自呼普蘓克爾山之西北麓東北流來

注之

北岸有山疑即元時和林上都地山水迴合西十四度一二分極四十九度三分所云嶺北當

指賽堪山及庫庫齊老圖諸嶺

又東有哈喇烏倫河自北山合三水

東南流經納瑪納山西麓而南來注之

烏倫疑即和林之轉聲元

史以西有喀喇和林河得名然則北河之東色楞格之北即古和林城也

又東南折而東

北

兩岸前

有特里河自北山中合五水東南流三百

餘里來注之又東北數十里折東流有哈瑞河自西

南合呼納依河東北流來會亦巨川也

哈瑞河出西南幹山在齊

老圖源之南隔山三百餘里他密勒河源隔山百餘里西十六度三分極四十七度七分東北流百里合

西南一水又東會西一水又東會南一水折而北會
西一水又東北有一水自西北大幹山東流合北來
伊遜都蘭喀喇地山南二水而南流來會又東北百
數十里有一河合二水自南來會始曰哈瑞河又東
北曲曲三百有密薩朗河自西北合二水東流來會
又東北循呼普蘇古爾山之南又東有呼納伊河自
西南山中東北四百里經賽堪山北麓又東北百餘
里來會又東北百餘里入色楞格河北河源流長九
百里山脈西自庫庫嶺東北分支繞此河諸源之
南曲曲千餘里為巴顏濟魯克山又北為賽堪山即
賽罕山也又東北為納隣庫勒墨地北之額勒黑圖
山又東稍南為額魯墨德伊山峰嶺不斷山西北為
哈瑞河山東南
為鄂爾坤河

色楞格河又東南流折東北而東有
哈喇托輝河西南自額勒黑圖山來注之又東稍北

有阿爾達克河自西南合三水東北流又合東二水

北流來注之

東來一水名烏兒河

又東受南來察達河又東受

南來巴里北河又東稍北

西十二度四分極四十九度餘

有額赫河

自西北大山東南流合翁佳河諸水來會亦巨川也

額赫河出西北大山下之呼遜克兒泊西分十六度五十分至七度分泊北即大幹山在唐努山東北千里泊西

隔山即俄羅斯國之烏思河源也泊南北百數十里東西八九十里周三百餘里有山曰舍頗爾拖克

阿林近於西北自東南角流出數十里會西來一水水南有沙喇達蘭山又東南流會北來一水又東南流有阿濟格噶爾罕河自西合二水東流來會稍東有敖拉克流有翁佳河自西合二水東流來會稍東有敖拉克

埒河合二水自北大山南合東一水又南合西北來之阿拉克河東北來之烏兀哈河又南百餘里來會又東南有小水自西南來注之又東南有恩特河自西南大山東北流合西北一水南三水來會又東南有巴圖爾烏巴什河自北大山合三水南流來會又東南有拖拉喜河自西南山合三水東北流來會又東南有額林河自東北山合二水南流又東合額布里謀登庫爾河曲曲南流來會又東南數百里有塔爾巴哈台河自北山合三水南流來會又東南數百里會色楞格河此水合有名之水八源流長千餘里色楞格河既會額赫河水勢愈盛稍東有市呼圖河自南合三水來注之又東北河心有洲有布喀河自南合一水來注之又東北受北來一水又東北有一

河自西南布昆沙喇之北東北流合東南一水北來

注之又東受西南一小水又東經布隆山北麓

山脈西南

自巴顏濟魯克山賽堪山綿亘而東北為額魯墨德衣山又東為西拉克山為布昆沙拉山又東北為此

山蜿蜒至兩河合處山為色楞格及鄂爾渾之界

又東北數百里而鄂爾渾

河自南合圖拉諸河之水東北流來會

西九度九分極五十度

水勢大盛

色楞格自源至此已千七百里鄂爾渾河圖拉河二水見後

色楞格河既會鄂爾渾河又東北百里有一水自東

南來注之又東北百數十里有哲德河自西北大山合

三水東流九百餘里亦巨川也

哲德河上源出西北大山三水東流百數

十里而合又東數十里有一水自西來曰阿嚕謀敦庫爾河東流會焉又東南百餘里會北來一水又東南二百里有一河合二水自西來會又東曲曲二百餘里有喀木揚河自北山合三水東南流四百餘里來會又東南百數十里有哲爾圖勒河自西大山合二水東南來又會西南流之即里多特河折東北曲曲五百里來會又東百餘里受北一小水又東百數十里入色楞格河

色楞格河又東北百七十里有一河合三水自西來注之又東北百餘里經鄂羅斯國界之楚庫伯興西南柏興即城也亦曰拜商有楚庫河東南自喀爾喀

境合數水西北流來會

西八度八分
極五十度

色楞格自合鄂

爾坤至此又五百餘里

楚庫河為鄂羅斯及喀爾喀
界源出喀爾喀阿即格肯特

山之北麓隔山之南即土刺河源隔山東南即敖嫩
色翁也凡三源東北流百餘里而合又東北行平地

中曲曲三百餘里有一河合三水自東南大山來會
折西北流百餘里有一河合二水自東南大山來會

又西北曲曲三百數十里經
楚庫城南而西入色楞格河又東北百八十里有啟

爾和河自東南合三水西北曲曲流四百里來注之

又正北流百餘里有敖隆烏河自西南合三水東北

流來注之又北流折東北百數十里有衣巴勒罕河

自西合三水東北流六百里來注之又正北流百里
經烏德拜商西南有烏德河自東南大山合兩水四
源西北七百里經拜商南而西來注之又北折而東
北百數十里有一河自西南山合二水來注之又東
北折而正北百數十里有衣灘珠河自東南大山合
兩水四源曲曲西北流五百餘里經衣灘珠拜商南
而西注之又北經拜商西而北數十里折而東北而
西北曲曲百八十里有一河自西南合二水東北流

三百餘里來注之又正北流折而西北曲曲二百數

十里北豬為巨澤曰布喀爾鄂模

自楚庫河而東北如啟爾和河烏得

河伊灘珠河諸源皆出肯特山東北大幹山之北麓其隔山南麓皆東南流入黑隆江者伯哈爾

湖亦曰小海南北徑二百餘里

極出地五十三度九分至五十四度八分

東西徑九百里或千里

自西七度至十度五分

色楞格自合鄂

爾坤後水清溜急廣四五十丈兩岸多山於湖之正

南流入

西八度五分極五十四度

湖四面俱有山

開有一大水自東北角流入

中有洲曰敖依琿山南北五十餘里東西二百里

二十

月水堅可渡

即漢時海北丁零唐時古利幹都伯二部落

北之少海近戛斯而色楞格即仙娥河劍河也湖之

大如海從西北角流出

西十度二分極五十四度七分

曰昂阿喇河

亦曰昂阿拉河圖從五十度止

昂阿喇河昂阿喇當即元史所謂奇

爾濟蘇之昂阿喇河西北流百五十餘里至額爾庫

城受西南來之額爾庫河

即圖之額里口河也源出哈爾泰頂之東北大幹額

谷登召山之東北麓有兩水俱東北流西源合四水東源合三水北流而合又東北有一河自東南合二水東北流折而西北曲曲來會又北曲曲流兩山又間自極五十二度北至五十五度經已八百餘里

西北流二千九百餘里受東北來之伊里穆河又北

數百里合西來之伊聶謝河水流益大

聞此水長三千餘里受十餘水

較色楞格又大五六月尚轉東北流入北海

地極寒以上

錄圖理琛記按唐書有流鬼國去京師萬五千里濱北海然則鄂羅斯國即其地歟

鄂爾渾及土喇為喀爾喀部內巨川

鄂勒昆河亦曰鄂爾坤河舊名鄂勒歡河音之轉也源

有二一曰杭愛山尾南麓

西十四度五分極四十七度

東南流曰

郭勒河

杭愛山自西北庫庫崩蜿蜒而東南數百里又東行百餘里連峰相接山勢高大折東北

數十里其麓為鄂勒河曲曲二百里而南源自西來

會南源出鄂爾古圖都蘭喀喇山又有二

亦作威者伊圖都蘭

喀喇山即大黑山也在

一自北麓東南流曰阿穆勒

吉烏林塔河

西十四度六分極四十六度八分亦作烏里雅悉他河此地元時屬和林疑烏

林烏里皆和林音之轉也

一自東麓東流百里而合入東百餘里

與鄂勒河會始曰鄂勒昆河東南流兩山間百里折

而東北

北岸山即杭愛山東南支阜其南岸即西自都蘭喀喇綿亘而東為杭伊哈瑪勒山隔山

而南即翁金河也

二百餘里經西爾哈阿濟爾罕山西麓之

額爾德尼昭廟及章鄂山之東麓

章鄂山亦高大即杭愛東支阜也疑

此即唐時回鶻牙帳西之烏德鞬山而所謂溫昆水即鄂爾坤也

又東北出山流百

七十里折而西北流二百里有珠爾瑪台河自西南

來會

珠爾瑪台河亦曰珠勒瑪台河出額黑特穆爾山南麓東南流繞布庫特穆爾山足三面東北

流曲曲二百餘里瀦為池曰察罕鄂模廣數十里又東北流百里有布勒哈爾台河南自達爾湖喀喇巴爾斯地之池水東北流來會又東北入鄂勒昆河

又西北五十里有鄂歸池

水自東南來會又西北有塔密勒河自西南合數水

東北流來會亦巨川也

塔密勒河亦曰塔密爾河有南北兩源南源出杭愛山

北麓在鄂勒昆原之西者曰和索郭特河西西北流百里許又在其西五十里者西潤北流而合又在其西南九十里者三潤合而東北流有西北來二水皆會又東北始曰塔密勒河又北而會和索郭特河皆杭愛以水也又東北會東南來一水其東即蘇巴爾罕山又北經托里布拉克地東受西北來一小水又東北受西北來一小水稍東有齊齊爾里克河自南來會又東北受西北一小水又東北折而北流有一河合四水自西來注之又東北與北源會北源出枯庫東麓在杭愛山西北三百里有二潤東北流而合又北會東南來一水又東北而三潤自西北合而東流稍北來會又東北會西北來一水又東南會南來一水又東北會西北一水始曰塔密勒河北岸連山即喀瑞河諸源也又東流受北一水又東有一河西南自喀倫恩郭勒山東北流合二水來會又東猶為台魯勒

鄂摩池廣數十里中有一山又東流有察罕烏林河
自西北來會其南岸即布龍堪北山也

和提即寧

又東北

百數十里而南源自西南來會又東曲曲百里折而
東北百里會鄂勒昆河此水兩源俱五百餘里始合
又二百里入鄂勒昆自杭愛山以
北庫庫嶺以東諸泉皆匯入焉 鄂勒昆河又西北

折東北流有伊蘭喀勒奇拉河合三水自西而來注

之又東北折正北循庫庫齊老台山西麓百里經西

里布里都地之蘇都池東

池十數里又西南有小池又西百里即巴顏濟魯克

山連峰不斷

又北受西一小水折而東北循西北麓有濟

蘭崇古魯克河自西北賽堪山東南流來注之

賽堪山甚

高大即巴顏濟魯克山之北行正幹
又折而東北為厄勒黑圖諸山者
又東經納鄰庫

勒墨地南受北一小水又東北至山麓有額魯墨河

北自額魯墨德依山池水南流來注之
池水以北隔山水俱北入

色楞格
又東經都蘭哈喇地北出山
即庫庫齊老台山之麓此山自

南而北折而東長二百數十里有哈兒坤穆克河自
當鄂勒昆東南岸其東有溫泉

東南來會又東流稍北曲曲四百里有哈噶斯賽音

都魯河西北自布昆沙勒山東南流合一水來會
山即

西承阿魯墨德依及西拉口山東北大幹
又東北為布隆山以界色楞格南岸者
又東而土

喇河自南合喀嚕特哈河北流來會

土喇河見後

又東北

經即拉哈濟圖布拉克地南有西喇鄂博台河北自

布隆山南支阜合三水南流來注之又東北經喀里

雅拉山西南麓中有大洲又北流有依本河自西北

布隆山東南阜合三水東南流來注又東北循山有

哈拉河自東南合數水北流來會亦巨川也

哈拉河源出土

喇河北與汗山相對之色爾必嶺之北麓曰奎河二

濶合而北有納林河自西南來會又北有布勒哈台

河自西來會又北有阿達海河自東南松納拉河自

東來會又北有通勒河東北自阿濟肯特山之西麓

合三源西南流來會又北折西北流有一河自東北
合數水來會又西經拖羅什山北喀達圖爾山南有
博羅河自南來會又西北有察克杜爾河自西南來
會又西北折正北流經都拉遜納拉蘇察克丹地之
東大松嶺也又北經喀里雅拉山東麓又東北有依
又北入鄂勒昆河此水源流六百里

嚕河自東南合三水來注之又正北流至布隆山東

北支阜而色楞格河自西來會

自源至此曲折二千餘里

喇河即圖拉河發源喀爾喀中部鄂嫩河源之西南

百數十里許特勒爾吉嶺之西曰圖拉色禽

西七度八分其

東隔山即流入克嚕倫之特勒爾吉河源也極四十八度五分西南流六十里與北

源之出嶺北小肯特山南流百餘里曰喀拉圖魯河

會

北源隔山東北八十里即鄂嫩色禽也西八度極四十八度八分

西南流九十里

有哈溪河自西北合東來喀喇鄂模水西北來崆烏

魯河東南流來會又南五十里有噶拉泰河自東南

大山西流來會

山即噶拉泰嶺北自肯忒山忒勒兒几嶺綿亘而南又南折而西為啟

薩山其東水皆流入克魯倫其西水皆流入圖喇此山又西南為興安嶺為阿不達拉太山南臨大漠又西為杜蘭喀喇山綿亘圖喇河之南岸又西又西南北至會喀魯特谷河處而止首尾千有餘里

經啟拉薩山西麓又西南有阿拉克塔河自北來注

之又西南有特勒爾吉河自西北大山合東占河二

水東南流又合東北虧羅河來注之

山即肯特山之西南大幹綿亘

不斷又西南為阿達海嶺為色爾必嶺

又南經興安嶺西支阜曲曲折

而西流經額圖克山南麓其南岸即昭莫多地

在興安嶺西百

里河岸平地其西曰巴顏珠拉克山

聖祖北征擊殲噶爾丹勒銘處也

有松林

折西北曲曲流

又折而西經汗山東北麓有坤河自南來會

汗山在昭莫多

西三十里亦曰懸山為喀爾喀中部駐牧地山之東麓有坤河自南來北入圖喇河

又西有烏

里雅斯台河自北大山來注之又西有色爾必河自

北來注之

即色爾必嶺東北麓水也

又西至色兒必嶺南麓曲曲

西南二百數十里至杜蘭喀拉山之北

杜蘭南即大漠西十度極

四十七度五分杜蘭喀喇南徑寧夏九度徑套北陰山六度

隨山折而西北流

南岸

即杜蘭支阜綿亘北岸即色爾必嶺支阜又北行為察穆勒山

曲曲四百餘里有喀

魯特哈河自西南合數水東北流來會亦巨川也

魯喀

特哈河源出平地在翁金河之北二百里鄂爾昆河

北折之東四百里西十六度二度有二泉西北流而合又西北百餘里有一水西南自科洛爾昆山東北

流百里來會山在額勒德爾昭之東南九十里又北

流經昆庫勒山西折東北經科克內山西又北流折而東北曲曲數百里與圖喇河會水口東即察穆勒山西麓也此水源流長七百里西圖喇河又東北折十一度四分極四十八度四分

而正北流三百里而鄂勒坤河自西來會

西十一度四分極四

十九度此水源流長一千六百里

水道提綱卷二十三

欽定四庫全書

水道提綱卷二十四

原任禮部侍郎齊召南撰

赫隆江

赫隆江即古漠北之黑水靺鞨室韋所居亦曰完水又名室建河其上源曰敖嫩河即元時幹難河也自喀爾喀界內肯特山西之特勒爾吉嶺西北小肯忒山東麓東流

肯特山高大為漠北羣山東至大海之祖山之西支阜曰吉隆嶺又西曰特勒爾吉嶺

凡諸嶺以南水皆流入克魯倫河以北水皆流入敖
嫩河敖嫩源處曰敖嫩色禽在克魯倫河源西北
三百餘里實小肯特山土人呼為哈即格肯山山南
為喀爾喀地山北為鄂爾羅國邊界嶺之北麓水即
楚庫河源北流入色楞格河者嶺之南幹山西南麓
水即圖刺河源西南流折而西北會鄂爾昆河入色
楞格河者此嶺為漠北一大分水嶺也敖嫩色禽西
八度極出地四十九度弱自小肯特山東北行為大
興安山包絡黑龍諸水之北而東入海一支折而南
分為二幹一東南為大肯特山起頂又東南為必爾
喀嶺諸山為北黑龍南克魯倫諸水之界綿亘千餘
里至會合處一西南為圖拉源山又南為噶拉泰嶺
折而西南為興安嶺為東克魯倫錫圖喇諸水又西
南而西北至土喇會鄂爾昆河處自此而西北羣山
皆以哈爾泰山為祖若論正當漠北大分水之水
一東至東海一北至北海則莫高於肯特山矣
數

十里折東南流又數十里會北來一水

即東北大幹高山南麓水

又東南經忒勒爾吉嶺北麓有一水自嶺之西北東

流來會

亦敖嫩一源也

又東數十里經吉隆嶺北麓有一河

自北大山合二水南流來會又東數十里經大肯特

山北麓有一河自北合二水來會又東百餘里有一

河西北自大山合二水東南流來會稍東南流有啟

察嚕河西南自大肯特山折向東南之支阜東北流

來會

此水源隔山西麓即克魯倫源處西南流西會諸嶺以南諸水者也

折東北流又

折而東百里有巴拉喀河合二水自西南必爾喀嶺

東北流來會

此河即必爾喀河

又東南流數十里有呼瑪爾

堪河自南大山合兩源北流來會折東北流百里有

一河合兩源西北自大興安山東南流來會

此大興安山土

人曰阿母巴興安甚高大自此綿亘而東直抵黑龍江入海處山之南為喀爾喀界山之北為鄂羅斯國

界山在西六度半極出地四十八度六分數嫩自源至此已合九水矣

又東北二百數

十里有科勒蘇河自西南大山兩源東北合二水流

四百餘里來會又東北百餘里會西來一河又北折

東流折而東北二百里
有巴兒吉河合四水自西大
山東北流五百餘里來會
又東北折正北流百餘里
有阿巴楚河合三水自西來會
又北稍東百數十里
有他爾巴哈水河合五水自西來會
又東北三百餘
里有圖魯泰河他拉巴爾吉河
特楞河俄克若河俄
倫河先後自西大山來會
又東北百數十里有潑拉
和吉河自南合五水北流
五百里來會又東北百數
十里有圖里格河自南合二水
北流來會又東北有

溫多河自南合五水北流四百里又有昂伊德河自

西北大山東北流合六水折而東南流來並會其口

如十字

西一度四分極高四十六度七分昂伊德河源流長八百里

自此以下曰

黑龍江折而東流曲曲稍北二百數十里有泥樸處

河自西北大山東南流七百餘里合五水來會

此水源在

西二度六分極高四十八度九分

又東入內地黑龍江界經泥樸處城

南

即泥布楚城在中度稍偏西二分極高四十六度八分

又東南流數十里折

向東北二百里折而東稍北二百餘里經界碑南即

與鄂羅斯國分界處也有昂巴奇里比其河自西北

山合四水東南流來會

界碑中偏東一度四分
極高四十七度四分

自界

碑前東南百里許折向東北二百數十里有卓羅克

其河自西北大山合六水東南流五百里來注之又

東北二百餘里而克魯倫河西南自庫倫鄂模東北

流為額爾古納河來會水勢益盛

會處在界碑東北
五百餘里東四度

正極高五十二度七分自源至
此已數千里 克魯倫河見後

黑龍江既會克魯倫河東流數十里有謀河自南合

三水來注之又東北數十里有格哩比其河自西北
山合四水東南流七百餘里來注之又東北折而東
有俄勒河自西北合三水來注之又東有敖爾多坤河
自西北合三水來注之又東百里許折而東北數十
里有烏里蘇河自西北大山合六水東南流六百里
來注之又東流百餘里經雅克薩城南有額穆里河
自西南合三水東北流來注之城在東六度四分
極高五十三度弱又
東稍北八十里黑龍江東北
流至此而極始折南流數十里折而

東流有傍庫河自西南來注之又東曲曲百餘里有

博嚕穆達河自北大山東南會四水流七百餘里來

注之又東曲曲數十里始折向東南流數十里有爾

格河自北大山合五水南流七百餘里來注之

此水源在

五十度又東南有必勒譚河自北大山合三水南流來

注之

亦長七百里

又東南曲曲二百餘里經察哈言哈打

地山西麓又東南曲曲三百數十里經道士哈達嶺

南麓有呼瑪喇河自西合數水東流千餘里來注之

呼瑪喇河源出伊克古克達地大山西北流百餘里
會西南來一水又北流數十里折而東北曲曲三百
里有一河合兩源自西來會折東流百里有他哈河
自西南伊爾呼里山之北東北流合南一水而東北
來會又東北流曲曲百餘里折東流又東北數十里
有呼吉哩河自西北山合二水東南來會又東數十
里折東南曲曲四百里有一河自西北來會又東南
數十里有呼藍河源曰窩勒可河自西南山東流會
南來三水而東北流來會又東南曲曲四百餘里入
黑龍江正當道士嶺之南此水東流北岸連山之
北即黑龍江南岸連山之
南諸水皆并嫩泥江者又有必勒言河自東北西

流繞道士嶺東麓而南來注之又東南二百餘里經
屋魯蘇木丹地西折而西南二十餘里折向東南二

十里又折向東北三十里又折向東十餘里又折向

西南二十里水勢凡五曲若勾已狀

東十度五分至六分極四十六

度四分

又南流有滾必拉哈合三源自西來注之又東

南流百餘里有庫蘭河自東北合二源來注之又東

南數十里有額蘇里必拉哈合二源自東來注之又

南百里有殿河自西北合二源來注之折西南數十

里復南有庫丁河自西山東南流來注之

其上游曰伊士懇河

其源西之隔山水皆西南流入嫩泥河者

又正南數十里有額你必拉哈

自西來注之又南折向東流五十里有錦衣里江亦

曰淨溪里江北自鄂羅斯國界大山南流合北來諸

大水西南流來會亦巨川也

錦衣里江二源西曰拖
呵河東曰納爾河蘇希

河俱出極高五十度之北不知所在俱南流合而西
南流曲曲而南而東南約五百里有一水合東北來

之阿兒吉河西南流又合東北來之二格河又西南
合東北來最長之烏柳河又西南合東來之烏拉喀

河而南來會或曰此亦衣錦里之一源也遂南曰衣
錦里江南流百數十里折而東南曲曲五百里東度十

七度六極分四十有琴都河自北山南流合一水又南合
東北來之昂烏里鄂模水及潭泥河二源之水又西南

流合東來三源之殿紐河水而西南流來會錦衣里
江又東南曲曲流四百數十里有一大水自東北來

會即錫哩穆的河也橋處
的河源出東北大山亦在五十度之北度六分西南流數百
里合東北來二源之水又南二百里合東北來一水又西南流
始曰錫哩穆的河又西南流合北來一水又西南流
合東北來最長一水又西南二百里合北來一水又
南合東北來一水折向西流合東南來一水又西流
百里有錫乞你河北自達爾揚沙山前合兩水南流
又合二水而南來會又西南數十里有教昆莫爾科
河自東南山西北流來會又西二百里折而西南曲曲二
百數十里有那拉河自北合二源南流來會又西南
百餘里有翁厄河自東北合三水西南流來會又西
南百里有會錦衣里江此水相源東流七度至北合錦
衣里江既會錫哩穆的河折西南流二百七十里有
必拉河合二源自北來注之又南有托莫河自東合
二源來注之又南數十里折西南流百里有貝敦河
自東合三源來注之又西南百三十里而黑龍江自

西來會此水源流可見者二千餘里可謂巨川土人稱錦衣里烏喇

黑龍江既會錦衣里江折南流數十里有五可薩里

必拉哈兩水自西先後來注之又西南數十里經驍

渾城西又南十餘里經薩哈連烏喇城東

兩城隔江相望東十

一度之間極出地四十五度強

又東南流數十里有尼河自西大山

合二源東流經烏喇站北而東來注之又東南百里

經拖里爾哈達北麓又東南折而南數十里經阿克

的蘇蘇之西又東南經德聞蘇蘇及扶祿蘇蘇之北

又東南八十里至德爾得尼城之東北有博爾豁里
鄂模水北自喀分蘇蘇地南流經察哈吉城西南又
合東北來之穆得赫山水曰模里爾克河者經車赫
得城北而西注黑龍江黑龍江南經德兒得尼城東東岸數
里即車赫城亦隔水相望也
東十一度七分極
四十四度四分有博
庫里河自西北來繞城南而東注之又南經博庫里
山東麓南流為湖廣十餘里長三十里有博吞河自
東北來注之又南稍東百餘里至馬哈拉察克丹地

之東南有孫河自西北來合西南來之占河東南流

經格里兒哈達之南而東來注之

孫河源山庫穆勒山之北曰孫色沁

東北流經庫穆勒里站之南折東流百餘里其北有厄育勒河自西北合北來之厄楞古河東南流來會又東流折而東南曲曲三百里而占河南自大山北流合西來二水又東北流二百里來會折而東南百餘里經格里爾哈達

南麓又東入黑龍江

又東南有科爾芬河自南合二源來注

之又東南百數十里有紐滿河自東北合數水西南流來注

之

紐滿河源出東北大山南流數十里折西南流百餘里合北來一水又正南流九十里合東來一水又西南流百里

折而南數十里合西北一水又南百餘里合東北來一水又西南百數十里有卓倫啟河自北合兩源東南流又合一水

而東南來會又西南三百里有塞拉馬河自東北合
三水西南流來會又西南曲曲二百餘里折而南百
里至蘇克西哈達之西北南入又東南經蘇克西哈
黑龍江北水源流長千二百里

達南麓又東南有哈拉河自東北合二水西南流經
哈達東麓來注之又東南百餘里有烏衣河自西南
合兩水東北流來注之又東南數十里有甲里河自
西南來注之又稍東北流數十里折而東南有富河
自西南來潄為湖復北流注之又東南有庫爾社里
河自北合三水南流來注之又東南折而東流經納

丹哈他拉山之南麓凡百里許有察伊河自南合二水北流經布輪山東麓而北來注之又東稍南數十里抵南岸大山北麓有庫穆努河自北來注之

枯母奴河

即出納丹哈他拉山之北大山中東南流循山東麓入黑龍江

又東北數十里有木

春河自北合二水東南流來注之南岸山即喀母泥哈達自西綿亘而東者也折東南流經謀哈達西南麓又數十里有吉壇河自西南合二水來注之又東南數十里其北岸猶是謀哈達東南麓其南岸即木

克阿里哈地北大山北麓也

黑龍自受富河之後經兩岸大山中如蜀江出

峽者五
百里

有庫育魯河自北合二水來注之又東南有

禾喬惠河自北來注之又東南有必占河北自必占

窩集山中合二水南流來注之

窩集即深山也此河長三百餘里黑龍江

至合此水始出
兩山間行平地

又東南百數十里折而東流土人稱

為薩哈連烏喇又數十里折東南流百餘里而松花

江會嫩泥河及寧古塔河諸水自西南東北流至查

匪噶山之西而北分二支先後來會

東十六度七分
極高四十七度

八分 松花江及嫩泥河寧古塔河見後
自此以下凡曰噶山以居人聚落而名

黑龍江既會松花江東流折東北經查匪噶山北又

東北有數大洲

最大者近北岸之阿西克哈噶山近南岸之改金噶山也

凡百餘

里當改金山之北而支港復合又東北數十里經衣

禿噶山南中有洲又東有乞穆尼河西北自乞穆尼

窩集山中合四水東南流來注之

乞穆尼窩集在必占窩集東北三百

里又北三百里為格連窩集皆連山綿豆葉落浮土人跡罕到自此而東至海濱皆名窩集也又

東南經乞納林噶山北其東南即額穆吉山也又東

南折而東北江中有洲長三十里又東北百數十里
經喜魯林噶山北又東分為二派正派稍東北數十
里折而東南旁派東南流數十里有烏蘇里江自南
合諸水北流而先分一支西北流來會而東北流與
正派合二派既合而東中有大洲又東稍北而復東
經松額里昂喀地之東北復分二派正派北流二十
里旁派東流十餘里而烏蘇里江一支渠自西南來
會北流經赫真噶山之西即赫克特里地之西北也

又北與正派復合經這乞林噶山之東

烏蘇里江合處在東十八

度三分至七分極高四十三度四分及五分自合松花江至此四百餘里

烏蘇里江見後

黑龍江水勢愈盛有庫魯河自西北窩集中東南流

經汪達山西麓而南來注之江心有洲數處又東北

經穆爾枯噶山西北由得行里噶山東南而江心有

洲長二十里

中有噶山

又東折而東北經噶山四處之北

而江分二派俱東北流五十餘里

中有噶山

又北復合經

噶山三處之西為巨浸中有兩大洲有敦敦河自東

合五水西北流五百餘里來注之又北經兩處噶山之中北至赫根地東而江又分二派一正北流經五處噶山之東一東北流折而西北經三處噶山之西共百六十里復合有奴壘必爾特河自西南合三水東北流四百里來注之又北有巴勒爾河自東南合三水來注之又北有克七河自西來注之又東北受東來之呼兔他拉哈池水又北有富打克他拉哈池自西承西南兩源一河之水東流來注之又東

北經西岸之噶山三東岸之噶山二又北有格林河

自西南合數水東流千里來會

格林河源出格林窩集在乞穆尼窩集之

北三百里有兩源南源東北流百餘里北源東南流數十里合西來一水又東南九十里合焉又東北流百數十里會西南一水又東流數十里折向北流有一水自西北來會又東北曲曲二百餘里分為二派俱東北流六十餘里復合又東北百里有索密河自西北山合三水東南流來會又東稍南流曲曲三百里瀦為勒因鄂模自東北流出百餘里入黑龍江江心有一大洲也又北有勾根河

自西北合二水東南來注之又東北經福祿馬噶山

東有科爾古河自西北松林中東南流來注之又東

北經科爾古噶山東由特噶山西南有由特河自東
南合二水來注之又東北經東西兩岸噶山各二有
哈爾即河自東南來注之又北折而東北經南岸噶
山一有喜拉孫河自東南合二源西北流來注之又
東北有戡羅河自西北來注之又北有多林河自西
來注之又東北有七可杜哈河自西北來年塔哈河
自東南並注之又東北經東西兩岸之噶山各一又
東北至西爾木噶山之北又東分為二派一北流數

十里折而東北經一噶山南又數十里一東北流有克吉必爾特池自東南合四河之水西北流來注之

克吉必爾特池上源一曰納母登忒河自東南合二源西北流三百里與南源會南源曰喜爾巴喜河自南山北流合東一水西北流三百餘里會為池西北流有刀灣河自南來會又西北有會里河自東南來會又西北流中有大洲三角分派入黑龍江水口之北即克吉噶山也又東北百里許

經東岸噶山一又東北有敖體河自東南來會又北與前派復合又東北受東南來一水又東北有必占河自西大松林合四水東流六百餘里來注之又東

有藥民河自東南來注之江心有洲其西岸即色楞素山麓也又東北經葵馬山西麓又北有夏里河自東南來有圖陳河自西南來並注之又北有梅苦河西自松林來注之又北有付打哈河自西北來注之折東流有馬哈爾七河自東南來注之稍東又受東來之赫勒里河又東北有法亭河自東南來注之又北有氣寧河自東南來注之又北經木乎勒噶山之西其西岸即松林也又北分為三派

中有二洲

有阿可啟

河東南自厄非金水合二源西北流來注之又北復
合又北至莽阿臣噶山之東南有亨滾河西自窩集
合數大水東北流千五百里來會江心有二洲

亨滾河出

羊山之東隔嶺東麓曰亨滾色禽東流二百餘里合
北來一水東南流百數十里合西南來一水又東百
餘里合北來一水行松漠中東南二百餘里有哈達
五爾河西南自松林東流合南水四北水三而東北
流七百餘里來會又東北行松林間曲曲八百里有
額密勒河自西北合數水東南流七百餘里來會又
東行二百里稍北經伊斯科路必爾特地之南又東
百餘里至莽阿臣噶山之南東入黑龍江此水自東
十七度八分至東二十
四度源流幾二千里

又東北有巴哈河自東南來

注之又東北江心有巨洲有七靈伊河西自衣思科

路必爾特池合西北來三水東流來注之稍北有喀

免密河自西北合一水東南流注之又有教達里河

自東南來注之又東北經南岸阿爾哈噶山廟噶山

之北受東南一水

曰可七河在阿而哈之西

受北來五水

其有名者曰藥

密河曰里七河曰法特海河皆北出松林中南注法忒海河之東北即察哈達噶山也

又東北

至別央阿山西南麓為初入海之口其南岸即瓦吉

噶山也

東二十五度極高五十二度八分九分

又東北至達不哈教佛洛

山東南麓有堪達河自北而東南來會其南岸百里

即啟不林教佛洛山瓦中朱魯哈達也是為外口

東

十五度四分極高五十二度六七分至四十八度

又東而北岸為杜郎噶達

教佛洛山三面懸海即布育里噶山地其北有寧父

河自西北七嘉可山東南流注於海七嘉可山即大

興安山包黑龍江之北綿亘數千里不斷者至此而

東蟠為郎噶達教佛洛山及面噶達教佛洛山為黑

龍入大海口之北岸兩山之東隔海數十里有長島

形如偃月

長百數十里濶五十里南北俱尖

島南又隔海數十里有

小圓島曰角即哈達

圓徑二十餘里西望面嚙達七十餘里西南望杜郎嚙達百數

十里二島在東七十二度長島極高五十三度六分至八分圓島極高五十三度四分強

其南

岸自啟不林教佛洛及瓦中朱魯哈達而南為卓和

林教佛洛前後有小河口五隔海有小島十一又東

有天阿河口

五河一在瓦中朱魯哈達之南河口濶四十餘里有小島又南為你滿山其西

南即你滿河口又南有一河口又南有察滿河口又東南面百里至索母寧嚙山有密勒穆特河口口之北有兔而庫及雅布格二島隔水相望又北即海內八島也自索穆寧隔海北望八島相去百餘里自八

品隔海北理杜郎噶達相去二百餘里矣南自極高五十二度三分北則極高五十三度二分強矣又東南百里為天阿河口河出厄非金山之北支峰厄非金山亦海岸大山自南而北綿亘千餘里者也自河口而東北數十里為

它什鋪弩教佛洛山

為它什鋪弩教佛洛及青噶里

教佛洛二大山亦三面懸海與北岸面噶達四百里相望為外大海門其東隔海二十里亦有小圓島曰

額里必哈達與北小圓島又相望也

南小圓島東二十六度一分極

高五十二度三分

自小圓島隔海東百數十里為東大長島

之白和必河口大長島為黑龍江口海中大護沙南

北袤邪長一千六百餘里

南自極高四十九度八分至北高五十四度四分

東西最濶三四百里或一二里

西近黑龍南小圓島為東二十六度半至

東北斜處為東三十度三四分

地形天矯如游魚中脊有山連峰自

北至南松林相望蜿蜒不絕水分流東西入海近海

平地有居人數處其山有名者曰英額申山正居島

中其水西流入海者有八

曰白和必河源出英額申南麓西南流有一水自東

來會又西南曲曲入海長三百里此河口之南為汪艾河口又東南為低巴怒河口又東南為溫忒呼河口南岸即拉喀噶山也以上皆西南流者又東南為出可金河口又東南為出拉河口又南為特懇河口

南岸有噶山以上皆西流者又東南為衣堆噶山河
口西南流者又東南二百里為蒲壘噶山又東南曲
曲而南為島之南盡處自白恬必河口而北而東北
九百餘里無水也島西近黑龍江口兩岸惟白和必
河口亦正為島地之中其北
東流入海者有九
其南則與兩岸遠數百里矣
河源而東隔山為郭多和河兩源合東流入海其東
北二百餘里為努列河口長三百餘里又北為達喜
河口又北為薩衣河口北岸有噶山又北稍西二百
餘里為披倫圖河口北岸有噶山又北百數十裡為
厄里耶河東北北流入海之口北岸有噶山自此而
北百里為島北盡處也自郭多和河口而南而西南
二百里為塔塔瑪河口又東南二百餘里為啟社什
河口又東南三百里為阿當衣河口自此曲曲而南
而東而西南
至盡處無水

黑龍江自西八度至東二十六度

實三十度

源遠流長

自會松花以下東北數千里深濶與岷江埒

水道提綱卷二十四